

«РЎЙХАТГА ОЛИНГАН»



Ўзбекистон Республикаси
Марказий банк
Раисининг биринчи ўринбосари
С.С. Ходжаев

2016 йил «31» октябрь

DS-43-0238

«ТАСДИҚЛАНГАН»

«Капиталбанк»

акциядорлик тижорат банки
Кенгаши раиси
Ф.Х. Отахонов



2016 йил «13» октябрь

**«Капиталбанк» акциядорлик тижорат банкининг юридик шахслар учун
депозит сертификатларини чиқариш ва муомалада бўлиш Шартлари**

13-чиқарилиш

Мазкур Шартлар Ўзбекистон Республикасининг «Ўзбекистон Республикасининг Марказий банки тўғрисида»ги, «Банклар ва банк фаолияти тўғрисида»ги ва «Қимматли қоғозлар бозори тўғрисида»ги қонунларига ҳамда Ўзбекистон Республикаси Адлия вазирлиги томонидан 2008 йил 24 сентябрда 1859-сон билан рўйхатга олинган «Банкларнинг депозит (омонат) сертификатларини чиқариш ва муомалада бўлиш тартиби тўғрисида»ги Низом асосида ишлаб чиқилган бўлиб, «Капиталбанк» акциядорлик тижорат банкининг депозит сертификатларини чиқариш ва муомалада бўлишини тартибга солади.

1. УМУМИЙ ҚОИДАЛАР

1.1. «Капиталбанк» акциядорлик тижорат банкнинг (кейинги матнда «банк») депозит сертификати (кейинги матнда «сертификат» деб юритилади) – банкка қўйилган депозит суммасини ва омонатчининг (сертификат сакловчининг) депозит суммасини ҳамда сертификатда шартлашилган фоизларни сертификатни берган банкдан ёки банкнинг исталган филиалидан белгиланган муддат тугаганидан кейин олиш ҳуқуқини тасдиқловчи ноэмиссиявий қоғоз.

Цессия – сертификат бўйича талаб қилиб олиш ҳуқуқидан бошқа шахс фойдасига воз кечиш;

Цедент - сертификат бўйича талаб қилиб олиш ҳуқуқидан бошқа шахс фойдасига воз кечаётган томон;

Цессионарий - сертификат бўйича талаб қилиб олиш ҳуқуқини олаётган томон.

1.2. Сертификатлар бланклар тарзида хужжатли шаклда чиқарилади.

1.3. Сертификатлар олди-сотди, ҳадя қилиш, мерос қилиб олиш, устав фондига киритиш ва эгаси алмашувига олиб келадиган бошқа битимларда, шунингдек гаровда битим объекти бўлиши мумкин.

Сертификатни товарлар олди-сотдиси ёки кўрсатилган хизматлар (ишлар) учун ҳисоб-китоб қилишда тўлов воситаси сифатида қўллаш мумкин эмас.

1.4. Омонатчи (сертификат сакловчи) сертификат берган банкдан ёки бошқа банкдан кредит ажратилишида сертификатдан гаров таъминоти сифатида фойдаланишга ҳақли.

1.5. Сертификатларининг олди-сотдиси ва улар бўйича суммаларни тўлашга доир пуллик ҳисоб-китоблар нақдсиз шаклда амалга оширилади.

1.6. Сертификатларнинг қиймати Ўзбекистон Республикасининг миллий валютасида ифодаланади.

1.7. Сертификатга оид ахборотлар Ўзбекистон Республикасининг «Қимматли қоғозлар бозори тўғрисида»ги Қонуни ва Вазирлар Маҳкамасининг 2014 йил 2 июлдаги 176-сонли қарори билан тасдиқланган Акциядорлик жамиятларининг корпоратив веб-сайтларига қўйиладиган талаблар тўғрисидаги низом талабларига мувофиқ ошкор қилинади.

II. СЕРТИФИКАТ БЛАНКЛАРИНИ РАСМИЙЛАШТИРИШ

ТАРТИБИ

2.1. Сертификат бланкаларида қуйидаги мазмундаги мажбурий реквизитлар бўлиши лозим (1-илова):

- а) «депозит сертификати» номи;
- б) сертификат рақами ва серияси;
- в) депозит қўйилган сана;
- г) сертификат бўйича суммани талаб қилиб олиш санаси;
- д) сертификат билан расмийлаштирилган депозит миқдори (рақамлар ва сўзлар билан);
- е) банкнинг депозитга қўйилган суммани қайтариш ва тегишли фоизларни тўлаш юзасидан мажбурияти;
- ж) депозитдан фойдаланиши учун фоиз ставкаси;
- з) тўланиши лозим бўлган фоиз суммаси (рақамлар ва сўзлар билан);
- и) банкнинг номи, жойлашган манзили;
- к) депозит сертификатида омонатчи – юридик шахснинг номи ва жойлашган манзили;

л) банк томонидан сертификатни имзолаш ҳуқуқи берилган икки нафар мансабдор шахснинг банк муҳри билан тасдиқланган имзолари.

Сертификат бланкнинг матнида юқорида кўрсатилган мажбурий реквизитлардан бири кўрсатилмаган тақдирда сертификат ҳақиқий эмас, деб ҳисобланади.

2.2. Сертификатда цессия сертификат бланкасининг орқа томонида расмийлаштирилади. Агар цессияни расмийлаштириш учун қўшимча варақлар талаб этилса, унда сертификатнинг иловалари ҳам бўлиши мумкин. Ушбу иловалар сертификат сақловчисининг талаби билан сертификатни муомалага чиқарувчи банк томонидан расмийлаштирилади.

Сертификатнинг иловалари рақамланган, сертификат бланкасига тикилган ва сертификатни имзолаш ҳуқуқи берилган икки нафар мансабдор шахс томонидан имзоланиши ҳамда банк (банк филиали) муҳри билан тасдиқланган бўлиши лозим.

2.3. Сертификат бланкасида сертификатни чиқариш ва унинг муомалада бўлиш шартлари (кейинги ўринларда – чиқарилиш шартлари), шу жумладан, цессияни расмийлаштириш ҳамда сертификат йўқотилганда уни қайта тиклаш тартиби акс эттирилган бўлиши лозим.

2.4. Сертификат бланкаси банк томонидан чоп этиш қўлда шарикли ручкада, ёзув машинасида ёки компьютернинг ёзув мосламасида (принтерда) тўлдирилади.

Сертификат билан расмийлаштирилган депозит миқдори рақамлар ва сўзлар билан ёзилади.

Сертификатнинг рақамда ёзилган қийматидан олдин ва кейинги бўш жойлар, шунингдек номиналнинг сўзда ёзилган қийматидан кейин қолган бўш жойлар икки параллел чизиқ тортиш йўли билан тўлдириб қўйилиши керак. Сўзлар билан ёзилган

хамда рақамлар билан белгиланган суммалар ўртасида фарқ бўлган тақдирда сўзлар билан ёзилган сумма ҳақиқий ҳисобланади.

2.5. Сертификатда имзо ва банк муҳрларини босмаҳона усулида қўйиш тақиқланади.

2.6. Сертификатни беришда банк сертификат қорешогидаги барча реквизитларни тўлдиради. Сертификат қорешоги сертификат эгаси ёки унинг қонун ҳужжатларига биноан расмийлаштирилган ишончномага эга бўлган ваколатли шахси томонидан имзоланади. Сертификат қорешоги сертификатдан ажратилади ва банкда ишончнома билан бирга сақланади.

2.7. Омонатчининг (сертификат сақловчининг) вакили депозит сертификатини олиш учун ишончномага эга бўлган ваколатли шахсига берилади. Ишончнома сертификат қорешоги билан бирга банкда сақланади.

2.8. Банк томонидан сертификатни тўлдиришда тузатиш ва ўчиришларга йўл қўйилмайди.

2.9. Сертификат бланкасини омонатчига беришда тўғри расмийлаштириш ва тўлдириш учун жавобгарлик банк зиммасига юклатилади.

2.10. Депозит сертификати бланкалари, шунингдек сертификатларга қўшимча варақлар (иловалар) фақат қимматли қоғозлар бланкаларини ишлаб чиқариш ҳуқуқини берувчи лицензияга эга бўлган корхоналар томонидан тайёрланади. Сертификатга қўшимча варақлар (иловалар) сертификат бланкаси билан бир вақтда тайёрланади.

2.11. Сертификат бланкалари «Қимматли қоғозлар бланкаларига қўйиладиган техник талаблар тўғрисида»ги низом (рўйхат рақами 1312, 2004 йил 17 февраль) талабларига мувофиқ тайёрланади.

III. СЕРТИФИКАТЛАРНИНГ МУОМАЛАДА БЎЛИШ ТАРТИБИ

3.1. Сертификатдан бошқа шахс фойдасига воз кечиш мумкин.

3.2. Депозит сертификати бўйича цессия фақат юридик шахслар ўртасида расмийлаштирилади.

3.3. Цессия сертификатнинг орқа томонида ёки қўшимча варақларда (иловалар) цедент ва цессионарийнинг икки томонлама битими билан расмийлаштирилади.

Депозит сертификати бўйича цессия ҳар бир томондан шу каби битимларни амалга ошириш учун юридик шахс томонидан ваколат берилган икки нафар шахс томонидан имзоланади ва юридик шахсларнинг муҳрлари (муҳрлар мавжуд бўлган тақдирда) билан тасдиқланади.

3.4. Сертификатлар қуйидаги миқдорда ва ҳажмларда чиқарилади:

Қиймати	Миқдори	Ҳажми
50.000.000 (Эллик миллион) сўм	60 (Олтмиш) дона	3.000.000.000 (Уч миллиард) сўм

3.5. Сертификат сотиб олиш учун омонатчи ёзма равишда банкка ариза билан мурожаат қилади.

3.6. Сертификат олиш бўйича шартнома тузилаётганда омонатчи сертификат бланкаларини оловчи жавобгар шахсга ишончнома ва унинг паспорт нусхасини тақдим этади.

3.7. Сертификат олиш бўйича шартнома тузилгандан сўнг, омонатчи унда кўрсатилган пул маблағларини банкнинг белгиланган ҳисобварағига 5 (беш) банк иш куни давомида ўтказиш керак. Омонатчи (юридик шахс) томонидан банкнинг тегишли

хисобварагига пул маблағлари ўтказилгандан сўнг, 5 (беш) банк иш куни ичида омонатчига сертификат бланкаси берилади.

3.8. Берилган сертификат бланклари банкнинг депозит сертификатларини рўйхатга олиш китобига қайд этилади.

3.9. Сертификат сақловчи ўзи бўйича ўзгарган маълумотлар (мулкчилик шакли, манзил, банк реквизитлари ва ҳ.қ.) ҳақида банкни ўзгаришлар содир бўлган кундан бошлаб 3 (уч) банк иш куни ичида хабардор қилиши лозим.

3.10. Цессия расмийлаштирилганда сертификат корешогига ўзгартиришлар киритилмайди.

3.11. Воз кечиш бўйича ҳар бир шартнома цедент томонидан рақамланади ва банк ёки унинг филиали томонидан рўйхатга олинади. Банк маъсул ходими томонидан сертификат бўйича талаб қилиш ҳуқуқидан воз кечиш ҳақидаги маълумотлар банкнинг депозит сертификатларини рўйхатга олиш китобига қайд этилади.

3.12. Сертификат бўйича цессия битими амалга оширилаётган пайтда цессионарий банкка сертификат бланкларини олувчи жавобгар шахсга ишончнома ва унинг паспортини (омонатчи-юримдик шахснинг раҳбари факат паспорт) цессия шартномасини расмийлаштирилаётган куни такдим этиши лозим.

3.13. Сертификат бўйича цессия битими расмийлаштирилган куни банк цедентнинг тегишли хисобварагига ушбу шартларнинг 4.1. бандида курсатилган фоиз ставкалари миқдорига сертификатларнинг ҳақиқатда муомалада бўлган муддати учун тегишли солиқларни чегирма қилган ҳолда фоиз тўлаб беради. Цессияни расмийлаштириш узлуксиз бўлиши шарт.

3.14. Цессия сертификат муомалада бўлган даврдагида амалга оширилиши мумкин.

3.15. Сертификат бўйича талаб қилиш ҳуқуқидан воз кечиш битими бўйича келиб чиқадиган мажбуриятлар цедент ва цессионарий томонидан уни расмийлаштирилган кундаёқ бажарилиши лозим.

3.16. Сертификат цессиясини расмийлаштиришда сертификатнинг орқа томонида йул кўйилган хатолар тузатилганда у тазатиш киритилган сана курсатилган ҳолда “тузатилди” ёзуви билан тасдиқланиши ҳамда цедент ва цессионарий томонидан имзоланиши ва муҳр мавжуд бўлганда муҳрланиши шарт.

3.17. Депозитнинг сертификат бўйича талаб қилиш ҳуқуқи сертификатда белгиланган депозитни сўндириш санаси келгандан сўнг юзага келади. Сертификатларни муддатидан олдин тўловга такдим этиш мумкин.

3.19. Сертификатни сўндириш муддати келганда, омонатчи томонидан туловга такдим этилган сертификат ва аризага мувофиқ унда кўрсатилган хисобвараққа банк томонидан 5 (беш) банк иш куни давомида тўлов амалга оширилади. Сертификатни сўндириш бўйича ариза сертификат сақловчининг фирма бланкасида корхона раҳбари томонидан имзо ва муҳр мавжуд бўлганда муҳрланган ҳолда расмийлаштирилиши лозим.

3.20. Сертификат сақловчиси томонидан банкка тўлаб бериш учун такдим этилган сертификатларда цессиялар мавжуд бўлса, бунда банк сертификатнинг цессияга доир шартномаларнинг узлуксизлигини, шуниндек сертификат сақловчисининг охириги шартнома (цессия)даги номи, муҳри (муҳр мавжуд бўлганда) ва ваколатли шахслари имзоларининг сертификатни тулаб беришни сураб ёзилган аризадаги номи, муҳри (муҳр мавжуд бўлганда) ва имзоларига мослигини текшириб кўради.

Аризадаги ваколатли шахслар имзолари сертификатдаги охириги цессияни имзоланган шахслар имзоларига мос келмаган тақдирда, сертификат сақловчиси банкка вакилнинг ваколатини тасдиқловчи ҳужжат такдим этиши талаб этилади ва ҳужжат тўлаб берилган сертификатга қўшиб тикиб кўйилади.

IV. СЕРТИФИКАТЛАР БЎЙИЧА ФОИЗЛАРНИ ҲИСОБЛАШ

4.1. Сертификат қуйидаги муддатларга ва фоизларда чиқарилади:

Муомала муддати	Йиллик фоиз ставкаси
365 кун	7 (етти) фоиз
730 кун	8 (саккиз) фоиз
1 095 кун	9 (тўққиз) фоиз

4.2. Сертификатлар бўйича фоизлар банкнинг тегишли ҳисобварағига сертификатлар учун пул маблағлари тушган кундан бошлаб ҳар куни сертификатларни амалдаги муомалада бўлган даври учун йиллик 365 кундан келиб чиққан ҳолда Ўзбекистон Республикаси Марказий банкнинг «Тижорат банкларида фоизларни ҳисоблаш тўғрисида» Низомга (АВ томонидан 30.01.2004 й. 1306-сонли билан рўйхатга олинган) мувофиқ ҳисоблаб борилади ва ҳар ой учун фоиз тўлови ойнинг ҳисоботини охириги банк иш кунида омонатчининг тегишли ҳисобварағига ўтказиб берилади.

4.3. Сертификатлар бўйича ҳисобланган даромадни солиққа тортилиши Ўзбекистон Республикаси қонунчилигида белгиланган тартибда амалга оширилади.

4.4. Банк сертификатни бериш вақтида шартлашилган ва сертификатда белгиланган фоиз ставкасини бир томонлама ўзгартиришга (камайтириши ёки кўпайтириши) ҳақли эмас.

4.5. Сертификат сақловчиси сертификатнинг муддати тугагунга қадар ёхуд сертификатда кўрсатилган бошқа ҳолатлар юз бергунга қадар қайтариб беришни талаб қилиш нияти бўлса, у ўзининг бу ниятидан банкни омонатни олишни мўлжаллаётган санадан камида бир ой олдин хабардор қилиши шарт. Бунда сертификат бўйича фоиз тўлови сертификат ҳақиқатда муомалада бўлган муддат учун йиллик қуйидаги фоиз ставкасида қайта ҳисобланади:

- 365 кунгача - йиллик 5 (беш) фоиз;
- 366 кундан 730 кунгача – йиллик 6 (олти) фоиз;
- 731 кундан 1095 кунгача – йиллик 7 (етти) фоиз.

4.6. Сертификат сақловчиси сертификатнинг муддати тугагунга қадар қайтариб беришни талаб этганда, банк омонат суммасини банкнинг хабардор этган санадан бир ой муддат тугаганга қадар тўлаб бериш ҳуқуқига эга.

4.7. Сертификатлар банк ташаббуси билан қонун ҳужжатларида белгиланган ҳолатларда муддатидан олдин тўловга тақдим этилганида, банк томонидан депозит суммасига сертификатнинг амалда бўлган муддати учун сертификатда белгиланган фоиз ставкалари миқдорида даромад туланади. Бунда, банк сертификатларнинг муддатидан олдин тўловга тақдим этилиши ва уларни тўловга тақдим этиш шартлари тўғрисида камида бир ой олдин оммавий ахборот воситалари орқали эълон бериши лозим.

4.8. Агар сертификат бўйича депозитни олиш муддати депозит сақловчиси томонидан ўтказиб юборилган бўлса, у ҳолда банк сертификатда белгиланган депозит суммаси ва ҳисобланган фоизларни сертификат эгасининг талабига кўра тўлашга мажбурдир. Бунда банк сертификат муомала муддати ўтиб кетган даври учун сертификатда белгиланган фоизни ва талаб қилиб олгунга қадар дапозит бўйича фоизни ҳисобламайди ва тўламайди.

V. ЯКУНЛОВЧИ ҚОИДАЛАР

5.1. Депозит сертификатларининг корешогларини, сертификат бланкаларини ва сертификатларнинг қўшимча варақларини (иловаларини) сақлаш, шунингдек сертификат бланкаларининг бухгалтерия ҳисобини юритиш ҳамда сертификатлар билан боғлиқ амалиётлар банк томонидан белгилаган тартибда амалга оширилади.

5.2. Йўқотилган сертификатлар бўйича ҳуқуқлар банк томонидан қайта тикланади.

5.3. Сертификат йўқотилганда сертификат сақловчиси унинг дубликатини беришни сўраб банкка ёзма равишда ариза билан мурожаат этишга ҳақлидир.

5.4. Сертификат йўқолганлиги аниқланганда сертификат сақловчиси бу ҳақда 2 (икки) банк иш куни ичида ариза тақдим қилиш орқали банкни хабардор қилиши шарт. Ариза банкка тақдим этилган санадан бошлаб, 5 (беш) кун ичида кўриб чиқилади. Ариза банкнинг махсус журналида қайд этилади, ушбу журнал рақамланган, тикилган ва банк муҳри билан тасдиқланган бўлиши лозим.

5.5. Ариза сертификатнинг корешоғи билан бирга сақланади. Аризада сертификат расмийлаштирилган сана, сертификат рақами, сертификат банкнинг қайси бўлими орқали берилганлиги, кимнинг номига расмийлаштирилганлиги (юридик шахснинг номи кўрсатилади) ва қанча миқдордалиги кўрсатилади.

Ариза ва бошқа зарур ҳужжатлар банк Бошқаруви ташкил этган махсус комиссия томонидан кўриб чиқилгандан сўнг ва ариза бўйича ижобий қарор қабул қилинганидан кейин банк йўқолган сертификат бўйича тўловларни амалга оширади ёки аризачига сертификат дубликатини беради.



Рақамланган ва тикилган

Жарми _____ вароқда

Бошқарув Райси Б.В.Б.

Бош бухгалтер

Devonxona
Б.Т. Юппашев
E.E. Скуйбида
Chancellery



WLF